

山西通志 卷一百一十四
聲如雷移時寤謾罵客至何不設酒脯君孚乃出叩頭成
龍爲開陳利害順逆許以招撫約日還盡降賊衆數千人
朝珍上其事獲

命再知武昌府而留籍麻城區保烟民訖以還當是時金龍繇
君孚所復合紙棚河賊鄒君申成龍甫次岐亭亟檄東南
區長部鄉勇二千進望花山君申驚退保山寨成龍策賊
未獲食少利速戰乃分軍軍其三面以黃岡馬鞍山爲賊
要徑也故不守陰置伏嶮峽_峽之君申金龍等果糧絕夜
走馬鞍山遇伏盡擒金龍縛急將遁手劒叱之遂斬其首
捷聞晉級八月調知黃州府十月江西賊掠興寧蘄州戒
嚴而陽邏鎮陳鼎業永寧鄉何士榮石陂劉啟業白水畝
周鐵爪鮑世庸胥擁衆數千人議者欲棄黃州退保麻城